

Mme a re. Zakariyya re tlile mona ho tla kopa ho fuwa madinyane a dikatse a mabedi.

Madinyane a dikatse a mabedi ? ha rialo Zakariyya a thabile.

Ngk Molete a ba isa ka moo dikatse di dulang.
Zakariyya a bona dikatse le madinyane a mangata.
Ngk Molete a kenya katse e le nngwe e mmala wa kgemere le e le nngwe e botsho le bosweu ka hara hokwana ya dikatse.

Mme a saena dipampiri tsa ho fuwa dikatse ka molao mme a lefa tefello ya phano ya molao.

Zakariyya a sadisa Ngk Molete hantle.

Hae, Mme le Zakariyya ba lokisa sebaka seo madinyane a dikatse a tla robala ho sona. Ha morao, ha kgwedi e se e dumeditse letsatsi, Zakariyya a kena dikobong a hakile dikatsenyana tsa hae.

Ginger le Liquorice ke dimpho tse ntle ka ho fetisisa tsa letsatsi la tswalo, Mme! Zakariyya a tsheha.

Mpho ya letsatsi la tswalo e ntle ka ho fetisisa

E ngotswe ke Zaheera Jina Asvat • Ditshwantsho ka Chantelle le Burgen Thorne

Mehopolo eo le ka buang ka yona

O tla be o le dilemo di kae letsatsing la hao la tswalo le tlang? Mpho ya hao ya letsatsi la tswalo eo o e ratang ka ho fetisisa haesale ke efe?

O nahana hore Ginger le Liquorice di fihlile SPCA jwang?

Lelapeng la hao, na le nehana dimpho tsa matsatsi a tswalo? Ke hobaneng ho le jwalo kapa ke hobaneng ho se jwalo?



Setshwantsho

Na o na le phoofotswana ya lapeng, na o lakatsa ho ba le yona? Taka setshwantsho sa hao moo o nang le phoofotswana ena ya lapeng.



Ho bala

Fumana dintho tsena paleng:

- ★ marata a mabedi ao diphoofolo di a etsang
- ★ mabitso a mararo a mebala
- ★ nomoro e le nngwe
- ★ dintho tse pedi tseo re di bonang sepakapakeng
- ★ lebitso la dijo




Ho ngola

Zakariyya o batlile ledinyane la katse bakeng sa letsatsi la hae la tswalo. Haeba o ka ba le eng kapa eng eo o e batlang, ngola lenane la dimpho tsa matsatsi a tswalo tseo o ka di kgethang.



Mosebetsi wa matsoho

Lebokose la khateboto ho etsa setshelo sa katse se jwalo ka se paleng. Ebe o sebedisa hlama ya ho bapala kapa letsopa ho etsa Ginger le Liquorice ebe o di kenya ka setshelong sa hao.



Tshebetso

Inke jwalo ka ha eka o Zakariyya mme o phete pale hape ka ho sebedisa mantswe afe kapa afe. Sebedisa diketso tsa mmele feela ho bontsha se etsahetseng letsatsing la hao la tswalo.

